



## SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2006. GODINU **HRVATSKE DEMOKRATSKE UNIJE BIH**

Broj: 09-07-6-1173/07  
Sarajevo, 03. april 2008. godine

**SADRŽAJ:**

	MIŠLJENJE REVIZORA .....	3
4	1. UVOD .....	
	2. PREDSTAVLJANJE POLITIČKE STRANKE .....	4
	3. OPIS PREGLEDA I KANCELARIJSKE REVIZIJE .....	5
	Predmet kancelarijske revizije .....	5
	Cilj kancelarijske revizije.....	5
	Obim kancelarijske revizije .....	5
5	4. PRETHODNE REVIZIJE.....	
	5. NALAZI KANCELARIJSKE REVIZIJE .....	5

## **MIŠLJENJE REVIZORA**

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju finansijskih izvještaja **Hrvatske demokratske unije BiH** i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg i postizbornog finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

**Nakon što je Hrvatska demokratska unija BiH dobrovoljno otklonila nedostatke u finansijskom izvještaju za 2006. godinu, nismo zapazili ništa značajno što bi ukazalo na finansiranje ove stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju finansijskih izvještaja **Hrvatske demokratske unije BiH** i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska demokratska unija BiH je iskazala prihode u iznosu od 4.908,90 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0	
2	Prilozi fizičkih lica	0	
3	Prilozi pravnih lica	0	
4	Prihodi od imovine	0	
5	Prihodi od pr.lica	0	
6	Prihodi od poklona	0	
7	Prihodi iz budžeta	4.908	10000%
	<b>Ukupni prihodi:</b>	<b>4.908</b>	<b>10000%</b>

U godišnjem finansijskom izvještaju Hrvatska demokratska unija BiH je iskazala ukupne rashode u iznosu 27.708,00 KM.

## 2. PREDSTAVLJANJE POLITIČKE STRANKE

Naziv političke stranke: Hrvatska demokratska unija BiH. Skraćeni naziv je HDU BiH.

Politička stranka HDU BiH je registrovana 16.05.2002. godine kod Kantonalnog suda u Sarajevu pod brojem R-I-8/02.

Sjedište političke stranke je u Sarajevu, Tešanjka 9.

Za zastupanje stranke ovlašten je Miro Grabovac, Titan, predsjednik stranke. Osoba ovlaštena za podnošenje finansijskih izvještaja za 2006. godinu je Tade Radoš.

Prema podacima iz finansijskog izvještaja organizacionu strukturu HDU BiH čini:

- HDU BiH - središnjica

- OO HDU BiH Žepče
- OO HDU Posušje
- OO HDU Mostar
- OO HDU Ljubuški
- OO HDU Konjic

### **3. OPIS PREGLEDA I KANCELARIJSKE REVIZIJE**

**Predmet kancelarijske revizije** je godišnji finansijski izvještaj Hrvatske demokratske unije BiH za 2006. godinu i finansijski izvještaj za period od dana podnošenja prijave za ovjeru za izbore do dana ovjere rezultata opštih izbora održanih u oktobru 2006. godine.

**Cilj kancelarijske revizije** je da revizor na bazi finansijskog izvještaja pokuša da ustanovi da li je Hrvatska demokratska unija BiH u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih .

**Obim kancelarijske revizije** finansijskih izvještaja Hrvatske demokratske unije BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta i troškove predizborne kampanje.

### **4. PRETHODNE REVIZIJE**

Izvršen je pregled godišnjeg finansijskog izvještaja Hrvatske demokratske unija za 2005. godinu i izdat izvještaj o pregledu sa mišljenjem revizora, nalazima i preporukom revizije da stranka treba postupati u skladu sa odredbama člana 11. stav 3. Zakona o finansiranju političkih stranaka.

Izvještaj je stranci dostavljen, nakon što je politička stranka Centralnoj izbornoj komisiji BiH podnijela godišnji finansijski izvještaj za 2006. godinu.

### **5. NALAZI KANCELARIJSKE REVIZIJE**

Na osnovu našeg pregleda, odnosno kancelarijske revizije godišnjeg finansijskog izvještaja za 2006. godinu, nismo zapazili ništa značajno što bi ukazalo na nedostatke u izvještaju ili finansiranju ove stranke suprotno odredbama Zakona o finansiranju političkih stranaka.

#### **Troškovi predizborne kampanje**

Hrvatska demokratska BiH je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 20.063,40 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM<sup>1</sup> po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Hrvatska demokratska BiH je mogla potrošiti 374.692,48 KM.

### **Komentar**

Hrvatska demokratska unija BiH je nakon što joj je dostavljen Preliminarni izvještaj o pregledu godišnjeg finansijskog izvještaja za 2006. godinu dobrovoljno otklonila nedostatke i ponovo sačinila finansijski izvještaj u skladu sa odredbama člana 11. stav 3. Zakona o finansiranju političkih stranaka i Pravilnikom o godišnjim finansijskim izvještajima političkih stranaka, te 28.02.2008. godine Centralnoj izbornoj komisiji BiH dostavila korigovan godišnji finansijski izvještaj za 2006. godinu.

Hasida Gušić, šef Službe za reviziju - revizor

---

<sup>1</sup> Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.